



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1858

XXVII. Vergleich zwischen dem Domcapitel zu Stendal einerseits und den
Vorständen der Stadt andererseits über die Steuerfreiheit der
domherrlichen Curien, vom 7. Januar 1272.

Nutzungsbedingungen

[urn:nbn:de:hbz:466:1-54890](https://nbn-resolving.org/urn:nbn:de:hbz:466:1-54890)

XXV. Heinrich, Bischof von Brandenburg, verkündet denjenigen einen Ablass, welche das Hospital zu Stendal von Steinen erbauen helfen, am 29. September 1268.

Heinricus, dei gracia Brandenburgensis Ecclesie Episcopus, Univerfis cristi fidelibus presens scriptum visuris in salutis auctore salutem. Gratiam quam a deo accepimus cristi fidelibus dono gratuito impertimur. Inde est, quod omnibus, qui ad edificationem hospitalis in Stendal opere lapideo exstruendam manus porrexerint adiutrices et nuncios ejusdem domus benigne susceperint et ad petendum fidelium elemosynas in Ecclesia seu hostiatim liberaliter admiserint et juverint, XL^a. dies de iniuncta sibi super contritis et confessis penitencia auctore Domino misericorditer indulgemus, hac nostra indulgencia, si consensus Diocesani accesserit, usque ad consummacionem operis duratura. Datum Brandenburg, Anno Domini MCCLXVIII, III Kal. Octobris, pontificatus nostri Anno Quinto.

Nach dem Originale des Stend. Rathsarchives No. 11.

XXVI. Ludolph, ehemaliger Bischof von Halberstadt, und Heinrich, Bischof von Havelberg, fügen dem Bußerlaß von einem Jahre, den Bischof Wolrad den Wohlthätern des Hospitals des heiligen Geistes zu Stendal verlichen, jeder noch eben so viel hinzu, am 4. October 1268.

Ludolfus, dei gratia Episcopus quondam Halberstadenfis, omnibus hanc literam auditoris salutem in domino. Cupientes ut Hospitale sancti Spiritus in Stendale, quod nos in honorem sanctorum apostolorum Pauli et Andree dedicauimus congruis honoribus frequentetur, omnibus Christi fidelibus contritis et confessis, qui in die dedicationis ipsius Hospitalis et in septimana sancti Spiritus ipsum cum deuotione visitauerint et eidem manum porrexerint adjutricem, a Domino Volrado, Halberstadenfi Episcopo, annus venialium et Karenas, a nobis tantum, a Domino Henrico, Havelbergenfi Episcopo, tantum misericorditer indulgetur. Datum Stendale, anno gratie M^o. CC^o. LXVIII^o. IV. Non. Octobr.

Gercken's Dipl. I, 8. 9.

XXVII. Vergleich zwischen dem Domcapitel zu Stendal einerseits und den Vorständen der Stadt andererseits über die Steuerfreiheit der domherrlichen Curien, vom 7. Januar 1272.

Albertus, dei gratia Decanus totumque Stendaliensis Ecclesie Capitulum omnibus in perpetuum. Quoniam humane actionis exigit infirmitas, ut ea, que transitorie geruntur in tempore, pretereunte tempore citius euanescant, nisi a lingua testium vel scripti memoria reci-

pian firmamentum; Notum fieri volumus tam modernis quam posteris crisi fidelibus uniuersis, quod nos ex deliberato consilio pro bono pacis et concordie cum nostris consulibus et burgenfibus talem formam inuimus unionis, quod nos decem curias, uidelicet aream prepositure, curiam Alberti, Decani, curiam prepositi Johannis Reppinenfis, curiam Magistri Henrici Duferi, curiam Magistri Alberti de Snetlinge, curiam Johannis, plebani, curiam Arnoldi Decwede, curiam Godefredi Flasmengeri, curiam Franconis Scolastici, curiam Rudolphi Cellerarii, dotales pro nostrorum prepositi decani et Canonicorum, qui pro tempore fuerint, usibus liberis et ab omni exactione et iure ciuitatis solutas duximus acceptandas, ut nullus ex Scabinis, consulibus aut burgenfibus aut aliquis de eorum consilio vel mandato in iam nominatis curiis presumat aliquid deinceps statuere, disponere aut aliquo modo ordinare. Sed quoniam de duabus curia nunc prepositi Johannis Reppinenfis et de curia Dni. Franconis nunc scolastici, predicti consules et burgenfes tempore exactionis solebant petere, tamquam iuris eorum essent, quatuor solidos exsoluendos, dicti consules et burgenfes tali exactioni omnimode perpetuo renunciarunt. Insuper tribus curiis ex predictis decem uidelicet aree prepositure, curie nunc Magistri Henrici Duferi et curie Rodolphi Cellerarii plateam, infra ipsas curias et cemeterium sitam, Scabini, Consules et uniuersitas burgenfium unanimiter addiderunt, ita ut qui dictas inhabitant aut inhabitaturi sunt curias, ibi edificent, sicut suis usibus uiderint expedire. In restaurum uero omnium predictorum mansum unum iuxta Niwinkel situm, ciuitatis nostre pascuis adiacentem, de quo dicti Scabini, consules et burgenfes ecclesie nostre et nobis dederunt decem solidos annuatim, ipsis et ciuitati liberaliter dimittimus et cum omni iure perpetuo possidendum, Renunciantes omni iuri, quod in dicto manso habuimus ad hec tempora aut dinoscimur habuisse, Ita quod nec nos nec nostri posterius aliquid iuris in eodem unquam sibi presumant aut ualeant uendicare. Preterea ut omnis rancoris inter nos et ipsos materia descidatur, cum Scabinis, consulibus et Burgenfibus conuenimus hunc in modum, si ad nos et nostram ecclesiam ex ordinatione testamentorum seu ex aliquo quocunque casu hereditates alique infra ciuitatem de iure fuerint deuolute, eas infra annum et diem uendemus, si eas aliquis decreuerit emere aut pro pretio comparare. Quod si fortasse non possemus cum emtoribus de pretio conuenire, duobus ex nostris canonicis et duobus probis uiris ex Burgenfibus talium hereditatum taxatio committetur, ut sub juramenti cautione secundum ualorem debitum taxent eas et pro tanto ementur ille, si eas aliquis uoluerit comparare. Alioquin eas ecclesia et domini usque aliquis emtor comparauerit obtinebunt. Acta sunt hec Stendale in ecclesia sancti Nicolai presentibus uiris idoneis clericis et laicis infra scriptis, Domino Alberto, Decano, Johanne, preposito Reppinenfi, Magistro Alberto de Snetlinge, Magistro Henrico Dufero, Arnoldo de Decwede, Johanne, plebano, Godefrido Flasmengero, Lydero, Franckone Scolastico, Rodolpho Cellerario, Canonicis. Domino Johanne de Buk, Aduocato Stendalense, Johanne Gerdangi filio, Conone de Sanne, Rodengero, Wezzelino filio Ghifelberti, Johanne de Rokenze, Jacobo sclauo, Arnoldo Flasmengero, Engelberto filio Nicolai, Scabinis, Bollone, Renzone, Bernardo de gardelège, Ghifekino filio Nicolai, Johanne de Jerchowe, Consulibus, et aliis quam pluribus fide dignis. Datum anno gratie millesimo ducentesimo septuagesimo secundo, septimo Idus Januarii.

Nach dem Originale des Stendalschen Rathesarchiues No. 13. — Das Gegen-Exemplar, das im Stiftsarchiue aufbewahrt wurde, ist B. V, S. 39 mitgetheilt.